

AFRIKAANS EAT

Graad 10,11 & 12

WOORDSOORTE

1 selfstandige naamwoord

Soorte:

- 1.1 Eienaam: Lerrato, Matonsi, Afrika, Beeld.
- 1.2 Soortname: boom, leeu, maan, tydskrif.
- 1.3 Abstrakte selfstandige naamwoorde: vriendskap, liefde, haat, jaloesie.
- 1.4 Versamelname: trop olifante, skool visse



Hoe ken ek 'n selfstandige naamwoord uit?

- Meervoud
- Verkleining
- Geslag
- Kan 'n lidwoord vooraan kry
- Kan met die sintuie waargeneem word
- Woorde wat eindig op -heid, -ing, -isme en -skap is hoofsaaklik abstrakte selfstandige naamwoorde.

2 Byvoeglike naamwoord

Soorte:

- 2.1 **Attributiewe** byvoeglike naamwoorde (staan voor die selfstandige naamwoord wat dit beskryf). Die reuse olifant eet 'n groen blaar.
- 2.2 **Predikatiewe** byvoeglike naamwoorde (staan na die selfstandige naamwoorde wat dit beskryf). Die bok is vlugvoetig.



Hoe ken ek 'n byvoeglike naamwoord uit?

- Trappe van vergelyking: vinnig, vinniger, die vinnigste
- Intensiewe vorme: vinnig – blitsvinnig
- Verbuiging: Die vinnige puma.

3 werkwoord

Dui 'n handeling of 'n funksie in die sin aan.

Soorte:

- 3.1 Selfstandige werkwoorde staan selfstandig (alleen) in 'n sin.

- *Oorganklike werkwoorde:*

Dit is wanneer daar 'n direkte voorwerp in die sin is:
Die jagter skiet die leeu.

- *Onoorganklike werkwoorde:*

Dit is wanneer daar nie 'n direkte voorwerp in die sin is nie:
Die jagter skiet graag.

3.2 Hulpwerkwoorde kom altyd saam met 'n hoofwerkwoord in 'n sin voor:

- *Hulpwerkwoord van tyd:*
Die jagter het die bok geskiet.
het = hulpwerkwoord en geskiet = hoofwerkwoord.
- *Hulpwerkwoorde van vorm (lydende vorm):*
Die bok is deur die jagter gekwes.
is = hulpwerkwoord en gekwes = hoofwerkwoord.

3.3 Koppelwerkwoorde vervul slegs die funksie van koppeling:

Die leeu is baie sterk.

Koppelwerkwoorde: is, word, skyn, heet, blyk, lyk.

3.4 Die infinitief

Dit is 'n vorm van die selfstandige werkwoord wat nie aandui dat die aksie deur iemand of iets verrig word nie.

- Die infinitief **om te**:
Dit is heerlik **om te swem**.
Die man is besig om sy baadjie **aan te trek**.
- Die infinitief **te**:
Die huis is **te huur**.
Deur jou huiswerk **te doen**, sal jy beter vaar.
- Die infinitief sonder **om om te** of **te te** gebruik:
(**Om te**) Swem is lekker.
Hy leer (**om te**) swem.

Onthou: die infinitief is altyd om te plus die werkwoord.



Hoe ken ek 'n werkwoord uit?

- Werkwoorde dui gewoonlik 'n handeling aan.
- Baie werkwoorde kry 'n ge- in die verlede tyd.
- Plaas **ek** vooraan die werkwoord en kyk of dit sin maak: ek swem, ek slaap, ensovoorts.

4 Voornaamwoord

Dit staan in die plek van 'n selfstandige naamwoord.

Soorte:

4.1 Persoonlike vnw.

Ek, ons, hy, sy, hulle, ensovoorts.

4.2 Besitlike vnw.

My fiets – myne, joune, ons s'n, ensovoorts.

4.3 Vraende vnw.

Wie loop daar?

4.4 Aanwysende vnw.

Hierdie, daardie, dié

4.5 Betreklke vnw.

Het betrekking op die voorafgaande persoon of saak:
Die perd **waarop** sy ry, is wild.

Die man **wat** daar loop, is my broer.

4.6 Onbepaalde vnw.

Iemand, niemand, sommige, ensovoorts.

4.7 Wederkerende vnw.

Ek skaam my.

(Die onderwerp en voorwerp is dieselfde persoon.)

4.8 Wedekerige vnw.

Ons groet mekaar.

5 Bywoord

Soorte:

5.1 Bywoord van plek: waar?

Dit reën elders.

5.2 Bywoord van tyd: wanneer?

Die hond pas **saans** die huis op.

5.3 Bywoord van wyse: hoe?

Die luiperd hardloop **vinnig**.



Hoe ken ek 'n bywoord uit?

- 'n Bywoord beskryf gewoonlik 'n werkwoord, maar kan ook saam met ander bywoorde, byvoeglike naamwoorde, telwoorde en voorsetsels gebruik word.
- Die beste manier om 'n bywoord uit te ken is om die vrae: waar? hoe? en wanneer? te vra.
- Baie bywoorde het, net soos byvoeglike naamwoorde, trappe van vergelyking.

6 Telwoord

Soorte:

6.1 Hoofotelwoorde: dui hoeveelheid aan.

- Bepaald: een, sewe, twintig.
- Onbepaald: baie, verskeie, min.

6.2 Rangtelwoorde: dui volgorde of posisie aan.

- Bepaald: eerste, sewende, twintigste.
- Onbepaald: middelste, laaste, soveelste.

7 Lidwoord

Soorte:

7.1 Bepaalde lidwoord: die

7.2 Onbepaalde lidwoord: 'n

8 voorsetsel

Dit is verhoudingswoorde en verbindingswoorde:

Die bok spring oor die sloot.

Die vis swem in die dam.

9 voegwoord

Die voegwoord voeg of bind woorde, sinne en woordgroepe.

Die jagter slaap en snork, want hy is moeg.

10 tussenwerpsel

Dui emosie en gevoel aan.

Eina, my toon is seer!

Sjoe, dis warm.